



Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Cap. XIX. Ad tit. XXI. De digamis non ordinandis.

urn:nbn:de:hbz:466:1-10241

Capit. ult.

Capitulo ultimo scribit Honorius Episcopo Engolismensi, Guilielmo, sive Rudolfo 37. vel 38. Episcopis, de quodam Thomâ Monacho S. Amantii de Brixia, vulgo de Brices, ordinis S. Benedicti, ut habetur compilatione V. cuius monasterii Abbas est Archiepiscopus Tolosanus, ut refert Cironius. Huic Thomæ adhuc pueru *Barra ferrea* unguem pollicis dextri excusserat. Legendum forsan est *barta ferrea*, genus asciae vel securis, vox Germanica, eine *Bahre*. Glossæ Isidori: *Barto*, genus organi, puta, ad secundum. Sic & Reinesius, amicus quondam meus, *vñr c̄v d̄gōis*, Isidorum de securicula brevioris manubrii accipit, quod est *έγαλενον χεργάντων*. Græcorum autem *βαρδάκιον*, quod erat missile sectorium hoc referre scitus quam verius videtur.

CAP. XIX.

Ad tit. XXI. De digamis non ordinandis.

S U M M A R I A.

- | | |
|--------------------------------------|---|
| 1. <i>Digamia quotuplex?</i> | 3. <i>Digamia improbata etiam ab hereticis & Ethniciis.</i> |
| 2. <i>Canones veteres bac de re.</i> | |

Digamia quotuplex.

Digamia tripliciter capit. Primò quando quis eodem tempore duas habet uxores. Deinde quando quis priori matrimonio soluto secundas nuptias contrahit. Denique priori conjugi per divortium dimissâ cum altera superinducitur, præter causam adulterii. Nulla harum ab Ecclesia probata fuit. Nulli horum ad ordines admissi. Sed posteriores digami poenitentiâ actâ ad communionem admittebantur, & de hac digamia accipiendi sunt canones veteres. Et quidem canon 8. Nicenus, ubi Catharis præcipitur, ut cum digamis communicent. Canon item NeoCæsariensis septimus & Laodicenus primus, ubi definitur, eos, qui liberè & legitimè binis nuptiis juncti sunt, neque clandestinum matrimonium inierunt; exiguo tempore elapso, postquam precibus & jejuniis vacaverunt per indulgentiam communionem ipsis reddi.

*Canones veteres bac de re.**Digamia*

Caterum adeo digamia improbata est, ut nec Arrianis probare-

baretur, ut habet Epiphanius hæresi XXX. Hinc Josephus Tiberia-
densis ne ab Arrianis invitius clericus fieret, secundas nuptias con-
traxit. Apud Gentiles Flam̄en dialis eādem castimoniam coerce-
batur, ut est apud Plutarchum quæstionibus. Et Tertullianus ex-
hortatione ad castitatem: Monogamia, ait, apud Ethnicos in sum-
mo honore est, ut & Virginibus legitimè nubentibus, univira pro-
nuba adhibetur, & auspicii initium est. Item in quibusdam
solennibus & auspiciis, ut prior sit univiro locus. Certè Flaminia-
ca non nisi univira est, quæ & Flaminis lex est. Trebellius Pol-
lie de Calpurnia Titi Conjuge: Fuit sancta & venerabilis fœmi-
na de genere Cesonianorum, quam maiores nostri univiram Sa-
cerdotem inter sacratissimas fœminas adorarunt.

CAP. XX.

Ad cap. I. II. IV. VI. de bigamis non ordin.

S U M M A R I A.

1. Capitulum 1. unde promptum. do habitum.
2. Aurelian. concilium III. quan- 3. Pœnitentes qui?

Capitulum primum desumptum est ex concilio Aurelianensi
3. c. 6. quod anno Domini 540. celebratum est, Vigilio
Pontifice sedente, regnante Childeberto Francorum, sub
Consulatu Paulini junioris. Item ex Arelatensi tertio c. 3.
Vide Gratianum distinct. 55. c. 2. Ant. Augustinum ad Compil. I.
h. t. quem compilarunt Gregoriani. Ait Capitulum: Ut biga-
mi vel pœnitentes. Pœnitentes intelliguntur illi, qui post ba-
ptismum pro homicidio aut pro diversis criminibus gravissimi-
que peccatis publicam pœnitentiam gerentes sub cilicio divino
fuerint reconciliati altari, ut habet concil. Tolet. 1. c. 2. & ex eo
Martinus Bracarensis collectione canonum cap. 23.

Capitulum II. est ad Spalensem Archiepiscopum. Quis
iste? Spalis olim, quæ nunc Hispalis, Sevilla, urbs Archiepiscopa-
lis Hispaniæ. Compilatio prima, Spoletano habet, perperam.
Alias lectiones cumulant Gregoriani in notis hic, quos vide, si
tanti.

E

Ca-